



UNIVERSITÄTS-
BIBLIOTHEK
PADERBORN

Universitätsbibliothek Paderborn

Der ... Teil|| aller Bücher vnd Schrifften des|| thewren/ seligen Mans Doct. Mart. Lutheri

Vom XXVIII. jar an/ bis auffs XXX. Ausgenomen etliche wenig Stück/ so zu
ende des dritten Teils gesetzt sind

Luther, Martin

1566

VD16 ZV 10108

Trostschrift D. M. L. an Margreta. N. Widwe zu N.

urn:nbn:de:hbz:466:1-37065

für Gott vnrecht/ vnd für der Welt nicht ehren werd. Denn da sie es nicht wolten öffentlich bekand sein/ Solten sie geschwiegen haben/ Vnd den Gesellen nicht abgeschreckt/ noch die Jungfraw vmb ire Ehre gebracht haben.

Derhalten/ wo sie wollen im finstern bleiben/ Müssen sie die Jungfraw wider zu Ehren machen/ Vnd den Gesellen schweigen/ Oder können nimmermehr für Gott bestehen/ Vnd wird sie nichts helfen/ Das es grosse Leute betrifft. Denn Gott ist grösser/ Welchs Gebot es betrifft/ das sie an dem Gesellen vnd der Jungfrawen vben.

Derhalten ist das zu letzt mein Rath/ Wo der Gesell die Leute so gantz redlich vnd gleywüdig weis/ das sie nicht liegen/ So ist er ja nicht schuldig die Jungfraw zunemen/ Aber er müste sich freilich ein zeitlang aus dem Lande thun/ als wolte er nicht wider komen/ Bis die Jungfraw einen andern neme.

Oder mus auff diesen Grund treten/ der am aller gewissen ist/ Nemlich/ Das er solche Leute gantz für vnwarhafftig halte/ Als sie denn auch gewislich sind/ Weil sie wider Gott vnd alle seine Gebot handeln/ in dem/ Das sie einer Jungfrawen ire Ehre heimlich nemen/ das sie öffentlich nicht wollen bekand sein/ Vnd doch dem guten Gesellen ein vnüberwindlich Gewissen vnd schrecken machen/ in dem/ Das sie die Wahrheit heimlich sagen/ vnd nicht öffentlich wollen bekand sein.

Begehen also heimlich zween rechte Mörde/ Nemlich/ die Jungfraw stecken sie in schande/ vnd den Gesellen ins Gewissen/ Darumb ist jnen nicht zu glauben/ Vnd wo sie also wollen im finstern bleiben/ So ist der Gesell schuldig jnen nicht zu glauben/ Sondern ist Gott gefellig/ das er sie für Lügner halte. Denn weil sie für Gott zu ehren/ die Wahrheit nicht wollen bekennen/ Vnd vmb der Menschen willen schweigen/ So ist auch nicht zu glauben/ das sie dem Gesellen die Wahrheit sagen. Denn wer Gott nicht recht thun wil/ Der thut Menschen viel weniger recht/ Vnd wer die Wahrheit von Gott gefodert nicht bekennen wil/ Dem ist viel weniger zu glauben/ Das er die Wahrheit heimlich in winkel bringe. Vnd zwar ich habe wol mehr solche Felle gesehen/ Das man die Gesellen ab zuschrecken/ die Jungfraw hat verlenmbdet. So viel weis ich zur Sache zu raten/ nicht mehr zu dieser zeit.
Anno M.D. XXVIII.

Ein Trostschrift D. M.

L. An Margareta N. Widwe zu N.

Anno M.D. XXVIII.

Gnade

488
Ein Trostschrift D. M. L. an Margareta N. etc



Nade vnd Friede in Christo. Erbare tugent-
same Fraw/ Es hat mich/ ewer Son A. be-
richt/ des jamers vnd Vnfalls/ So euch zugestanden/
durch Ewers lieben Herrn abgang/ Da von
ich bewegt bin/ aus Christlicher lieb/ diesen Trost-
brieff zu schreiben.

ERstlich/ sol euch das trösten/ Das in solchem schweren
Kampff/ darin ewer Herr gestanden ist/ dennoch zu letzt vnd
endlich Christus obgelegen/ vnd gewonnen hat. Zu dem/ Das
ewer Herr ist zu letzt mit vernunft vnd Christlichem akenntnis
auff vnsern Herrn verschieden/ Welchs ich selbs aus dem offtern
gern vnd frölich gehört hab/ Denn also hat Christus selbs im
Garten auch gekempfft/ Vnd ist dennoch zu letzt obgelegen/ vnd
von den Todten auferstanden.

Als aber ewer Herr sich selbs verlegt/ Kan sein/ das der
Teufel der Glieder mechtig ist/ Habe seine Hand also mit ge-
walt gesüret wider seinen willen. Denn wo ers mit willen ge-
than hette/ Were er freilich nicht wider zu jm selbs komen/ Vnd
zu solchem Bekentnis auff Christum bekeret. Wie oft bricht
der Teufel etlichen Arm/ Hals/ Rücken/ vnd alle Glieder/ Er
kan des Leibs vnd der Glieder wol mechtig sein/ on vnsern
willen.

Drumb wöllet vnd sollet jr euch in Gott zu frieden ge-
ben/ Vnd Euch zelen vnter den hauffen/ da Christus von jaget/
Selig sind/ die da leide tragen/ Denn sie sollen getröstet werden.
Es müssen alle Heiligen den Psalm singen/ Wir werden vnter
deinen willen teglich getödtet/ Vnd geacht/ wie die Schlach-
schafe. Es mus leid vnd vnglück sein/ sollen wir des Trostes tel-
haftig sein.

Dancket auch Gott für solche grosse Gnade/ Das ewer
Herr nicht ist in Kampff vnd verzweinelung blieben/ Wie et-
lichen geschicht/ Sondern durch Gottes gnade mechtiglich her-
aus gerissen/ Vnd in Christlichem glauben vnd Wort endlich er-
funden. Von welchen gesagt ist/ Selig sind die im Herrn ster-
ben. Vnd Christus selbs Johan. ii. Wer an Mich glaubet/ Ober
gleich stürbe/ sol Er doch leben. Hiemit tröste vnd sterck euch
Gott der Vater in Christo Ihesu/ Amen. Zu Witttemberg/
Dinstag Lucie. Anno M. D. XXVIII.

Martinus Luther.

ANNO